

Naalakkersuisut siulittaasuat

Landsstyreformanden

Hr. Inatsisartunut ilaasortaq Per Berthelsen
c/o Inatsisartut Allattoqarfiat
Maani

Kalaalinngorsaaneermik apeqqutit, naalakkersuisunut ilaasortamut Doris Jakobsen-imut siusinnerusukkut apeqqutigisimasat, pillugu allakkatit 20. juni 2006-imi ullulerneqarsimasut Naalakkersuisut ulloq 28. juni 2006 tigusimavaat.

Aallarniutigalugu oqaatigineqassaaq allakkami atuarneqarsinnaammat naalakkersuisunut ilaasortamut Doris Jakobsen apeqqutit apeqqutinullu akissutit allakkannut ilanngunneqarsimasut. Taamaattoqanngilarli, kisianni malugaara kalaalinngorsaaneq pillugu apeqqutinik imaqartunik allakkanik pingasunik nassiussaqaarsimasutit, taakku Inatsisartut allattoqarfiata saqqummiussimavai imatut normulerlugit 2006-25, 2006-33 aamma 2006-43.

Allakkanni oqaatigaat naalakkersuisunut ilaasortap akissutai pitsaanngingaarmata aalajangersimallutit uannut naalakkersuisut siulittaasuattut saaffiginnissuteqarniarlutit neriullutit apeqqutitit naammaginartumik akineqarumaartut. Ilanngullugu oqaatigaat apeqqutitit naammaginartumik akineqanngikkunik akineqanngilluinnartarsimasut.

Suliami matumani naalakkersuisunut ilaasortap Doris Jakobsenip allakkatit siulliit kingusinnerusukkullu allakkat marluk akissuteqarfigisimavai.

Akissutigineqartunut isummernerit isumaqatiginngilara, kisianni Inatsisartut suleriaasaanni § 36 naapertorlugu inatsisartunut ilaasortat apeqqutaannut naalakkersuisunut ilaasortat akissutaannut naalakkersuinikkut isumaqatiginningissinnaaneq ataqqivara. Matumani pineqarportaaq apeqqutit tamarmik naammaginartumik akineqarsimasinnaanerannik naliliineq.

Taamaattumik saaffiginnissutit tunngavigalugu iliuseqaqqinnissara siunertarinngilara.

Inussiarnersumik inuulluaqqusillunga

Hans Enoksen

6. juli 2006
J.nr. 01.13

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl